

## عیسی بورده اتا فریسی سره

۱۴

۱ در آتا از روزهای شبات که عیسی غذا بخاردنسه بورده اتا فریسی سر شناس سره اونایی که اونجا دبیینه به دقت و ره زیر نظر داشته. ۲ ونه روبرو آتا مردی دبییه که ونه تن باد دکته بی. ۳ عیسی از فقیهون و فریسیون پرسیه: آیا شفا هداهن در روز شبات جایز هسه یا نا؟ ۴ اونا ساکت بموندسته. پس عیسی اون مردی ره بییته شفا جدا و مرخص هاکارده. ۵ بعد رو به اونا هاکارده ویشونجه پرسیه: کدوم تابه شما اگه ونه خر یا ونه گو در روز شبات چاه دله دکفه نشونی چاه دله وره درنیارنی؟ ۶ اونا جوابی نداشته.

۷ وقتی عیسی بدییه مهمونا چتی شوننه بالای مجلس نشیرنه این مثل ره ویشون اسه بیارده: ۸ وقتی اتا نفر ته ره به مجلس عروسی دعوت کاند، نشو بالای مجلس نیش اینسه که شاید اتا نفر تیجه سرشناس تر دعوت بووه. ۹ در اون صورت صاحب عروسی که هر دتای شما ره دعوت هاکارده انه و ته ره گانه: (شه جا ره هاده ور). بعد ته خجالت کشینی ناچاراً شونی پایین مجلس نشینی. ۱۰ هر موقع هر کی ته ره دعوت هاکارده، بور و پایین ترین جای مجلس هینیش، تا وقتی اگه صاحب سره بییموهه ته ره بایره: رفق جان بقرمی بور بالاتر هینیش. اون لحظه ته بقیه مهمونا پلی سربلند وونی. ۱۱ اینسه که هرکی شه ره گت هاکانه کوچیک وونه و هرکی شه ره کوچیک هاکانه سربلند وونه. ۱۲ بعد عیسی صاحب سره بائوته: «وقتی نهار دهی یا شام دهی دانی شه رفقون و براون و فامیلون و همسایون ثروتمند ره دعوت نکان اینسه که اونا هم ته ره دعوت کانه و اینجوری شه مهمانی ره پس گینی. ۱۳ پس وقتی میهمانی دنی، فقیرون و معلولین و لنگون و کورها ره دعوت هاکان ۱۴ تا ته زندگی دله برکت بییه؛ اینسه که اونا چیزی ندارنه که در عوض، ته ره حادن و شه پاداش ره در قیامت پارساهون گینی.»

## مثل گته میمونی

۱۵ وقتی آتا از مهمونها که با عیسی هم سفره بی یه اینا ره بشناسه بائوته: خوشبحال اون که در مهمونی پادشاهی خدا در اون دنیا نون خانه. ۱۶ عیسی در جواب بائوته: «اتا نفر اتا گته میمونی بییته و خله ها ره دعوت هاکارده. ۱۷ وقتی شام موقع بییه شه نوکر ره برسندیه تا اونایی که دعوت بییه ره بایره: (بهیند که همه چیز آماده هسه). ۱۸ اما اونا هرکدوم اتا بهانه بیاردنه. اتا بائوته: اتا باغ بخریمه که باید بورم اونه بوینم» خواهش کامبه مه ره بیخش که نتومه بیهم. ۱۹ اتا نفر دیگه بائوته: (پنج تا جفت گو بخریمه، و الان دشومه تا اونا ره بوینم. مه ره بیخش که نتومه بیهم). ۲۰ سومی هم بائوته: (تازه زن بییتمه، اینسه نتومه بیهم). ۲۱ پس ونه نوکر بر دگر دسته و شه سرور ره آگاه هاکارده. صاحب سره خله ناراحت بییه و شه نوکر ره دستور هادا که بوره کوچه و بازار دله و فقیرون و معلولین و

کورها و لنگون ره بیاره. ۲۲ ونه نوکر وقتی شه اربابِ دستورار انجام هاداهه بردگردسته و شه ارباب ره بائوته: (سرور مین ته دستورها ره انجام هادامه، اما هنوز جا دَره.) ۲۳ پس ونه سرور بائوته: بور جادهها و کوره راه های بیرون شهر و به اصرار مردم ره بیار مه مهمانی تا مه سیره پر بووشه. ۲۴ شما ره گامبه که هیچ کدوم از اونایی که دعوت بیینه مه شام ره نخارنه.»

### قیمت پیروی از مسیح

۲۵ اتا خَله مردم عیسی ره همراهی کاردنه. عیسی بر دگردسته ویشون ره بائوته: ۲۶ هر کی مه پلی بیه و میره ویشتر از شه مار و پی بر، زن و وَچه، برار و خاخِر، و حتی شه جان دوست نداشتته بوشه ، نَتونه مه شاگرد بوشه. ۲۷ و هرکی شه صلیب نیره و مه دِنبال راه نکِفه، نَتونه مه شاگرد بوشه. ۲۸ اگه کسی بخواهه سیره بسازه اول نیشینه اون خرج کرد ره در نظر گینه تا بوینه پتونده ونه خرججه بر بیه یا نا ۲۹ اینسه که اگه پی اون ره بکینه اما نَتونه تکمیل هاکانه هرکی وره بوینه مسخره کانه ۳۰ گانه: یارو شروع هاکارده به سیره درست هاکاردن اما نَتونسته اون ره تکمیل هاکانه! ۳۱ و یا کدوم پادشاه هسه که خانه بوره جنگ با اتا دیگه پادشاه، بدون اینکه اول هینیشه و فکر هاکانه که آیا با ده هزار تا سرباز تونده به جنگ با کسی بوره که بیست هزار داننه؟ ۳۲ و اگه بوینه که نَتونده اونا ره حریف بووهه اون موقع تا سپاه دشمن دور دَره چند نفر ره رسیده تا درباره صلح با اونا صحبت هاکانه. ۳۳ همینطی هیچ کدوم از شما هم تا از تموم شه دارایی دست نکِشه نَتونده شاگرد مین بووشه.

۳۴ «نمک خوب هسه، اما اگه شه میزه ره از دست هاده، چجوری تونده شه میزه اصلی ر بدست بیاره؟ ۳۵ نا به کار زمین انه و نا بدرد کود زمین خانه؛ بلکه اون ره دور شندنه. هر کی گوش شنوا دانه بشنوهه!»